

蘭雪堂古事苑定本

蘭雪堂古事苑定本卷之二

饒安 鄧志謨 纂修 編輯

戴 珉 潔 澄

西 泠 戴 璉 瀾 石 叅 定

戴 琰 師 曾

君道

帝自有真聖生不偶功弘九有父乾而母坤德奉三無
兄日而姊月四七之際火爲主赤伏符新一千之歲王
者興丹丘火熾馳王驟帝特自中天作宅家冠道履仁

直將異域爲編戶。陳橋驛軍兵欲變。獨日重輪春陵城
聖哲挺生。一禾九穗。祥鍾漢代。禁中之臥。柳生枝。瑞藹
朱廷。榻下之靈芝。分葉旣符瑞應。爰徵治功。大哉堯乎。
擊壤歌則天之治。君哉舜也。垂裳臻協。帝之休。商王祝
網放生。一腔惻隱。大禹下車泣罪。滿腹仁慈。武王伐暴。
時廉貨財。又廉女色。帝堯用心處。哀孺子。兼哀婦人。文
王發政。施仁澤。覃枯骨。太戊省躬。克己德。滅祥桑。設鼓
懸鐘。千古仰夏王之樂善。釋旄結襪。萬年欽西伯之尊
賢。黃帝用螭弧之旗。征蚩尤武功。遂懋漢祖以太牢之

祖祀孔子。文教頗崇。萬姓有餘糧。周祖建繪農之閣。六
宮無麗服。玄宗罷織錦之坊。晉武尚樸而焚裘。仁宗味
淡而徹蟹。仁昭法外。漢文帝除去肉刑。恩溢倫中。周武
王分殘寶玉。更仰漢高。頒令典法。約三章。且知唐主頌
成功。舞揚七德。宋祖去白起之像。惡殺當然。高宗圖傅
說之形。求賢空爾。鷄死懷中。蝗吞口裏。唐治畢竟休明。
牛歸野外。馬放山陽。周運自然隆盛。

漢書馬援傳。援曰。天下反覆盜名字者。不可勝數。今
見陛下恢廓大度。同符高祖。乃知帝王自有真也。帝

甚壯之。春秋感精符云。為人主者。父天母地。兄日。

姊月。宋儒表云。德奉三無功。安九有。三無謂天無私。覆地無私。

載日月無私。照九有九州。後漢疆華奉赤符曰。劉秀發兵。捕不

道。四七之際。火為主。謂應二十八宿。春秋感應圖云。黃河

千年一清。丹丘千年一焚。則聖人出。孝經鈞命訣

云。三皇步五帝。驟三王。馳五霸。驚周禮。天子稱宅

家者。謂至尊以天下為宅。四海為家。王充論衡人

君冠道德履純仁。宋書周使趙太祖帥師征漢。宿

陳橋驛。石守信等共謀欲立太祖為帝。軍士遂以黃

袍加身。

獨日重輪已見天文

東觀漢記光武父欽生帝于秦

陵。是歲嘉禾生一莖九穗。欽以爲異。于是名帝曰秀。

漢昭帝時上林有柳樹斷臥于地。一朝起立生枝。

葉有虫食其葉。成文曰公孫病已。立即漢宣帝也。

宋仁宗母臥榻下生靈芝。四十二葉。後生仁宗。有天

下四十二年。堯微服遊於康衢。聞童謠曰立我烝

民。莫匪爾極。不識不知。順帝之則。有老人今哺鼓腹。

擊壤而歌曰日出而作日入而息。鑿井而飲耕田而

食。帝力何有於我哉。尚書舜典云曰若稽古帝舜。

曰重華協于帝。新序云湯出見置四面網者祝曰

從天降者從地起者從四方來者皆罹吾網。湯曰嘻

盡之矣。乃解其三面更祝曰欲左者左欲右者右欲

上者上欲下者下不用命者乃入吾網。諸侯聞其澤

及禽獸一時歸商者三十六國。史記大禹出見民

有桎梏者下車問而泣之。語左右曰堯舜之民皆以

堯舜爲心寡人之民乃不以寡人爲心是以痛之也

史記武克商上堂見玉曰此諸侯之玉取而歸之

諸侯天下曰武王廉于財矣入室見女曰此諸侯之

女也。取而歸之。諸侯天下曰：武王廉於色矣。莊子、
舜問於堯曰：天王之用心何如？堯曰：吾不敖無告，不
廢窮民，苦死者，嘉孺子而哀婦人，此吾所以用心也。
周紀：西伯爲池，洺見死人骨，命吏瘞之。吏曰：無主
矣。西伯曰：有天下者，天下主有一國者，一國主寡人
固主也。天下聞之曰：西伯澤及枯骨，況於人乎？瘞音
也史記：太戊時有祥桑，一暮大拱。伊陟曰：妖不勝
德君之政有闕歟。太戊乃脩先王之政，明養老之禮。
早朝晏退，問疾弔喪，三日而祥桑枯死。史記：禹之

治天下也。懸鐘鼓鐸。磬。鞀。曰。教。以。義。者。擊。鐘。啓。以。憂。者。擊。磬。論。以。道。者。擊。鼓。告。以。事。者。振。鐸。有。訟。獄。者。搖。鞀。韓非子。文王伐崇。襍繫解。自結之。大公曰。何爲也。王曰。上皆其師。中皆其友。下皆其使也。今皆先君之臣。無可使者。史記。黃帝時。蚩尤作亂。黃帝征之。用蜚弧之旗。蜚音茅史記。漢祖旣得天下。過沛。祭孔子。以大牢之禮。五代史。周世宗留心農事。嘗書農夫蠶女狀于閣中。欲均定境內田租。詔散騎常侍艾頴等三十四人。分行諸郡。均定田租。唐書。玄宗幼

年詔后妃以下皆無得服珠玉錦綉。於是罷兩京織錦之坊。晉書武帝時程據獻雉頭裘。帝命焚之於殿前。詔天下無得獻異服。宋書仁宗食新蠶。有二十八枚。問左右曰。費錢幾何。對曰。二十八千。帝曰。一下。筋費二十八千。朕不忍也。遂命撤去不食。漢紀三代以前有肉刑。文帝詔除之。以髡鉗代黥笞。三百代劓。笞五百。代斬趾。書經旅獒篇。武王分寶玉於伯叔之國。時庸展親也。史記秦法苛刻。沛公乃約法三章。殺人者死。傷人及盜抵罪。餘悉除去秦法。

唐書秦王破軍之樂名七德舞 宋紀太祖幸武

成王廟指白起曰起嘗殺已降不武之甚豈宜受享

命去其像

傳巖詳地理篇

唐紀太宗得佳鵝自臂之見

魏徵來匿之懷中徵奏事不已鵝竟死焉 貞觀中

終南數縣蝗起唐太宗至苑中見蝗捕數枚曰民以穀爲命汝食之寧食吾心肝遂吞之是歲蝗不爲害

尚書武成武王克商偃武修文歸馬於華山之陽

放牛於桃林之野示天下弗服

言不復用兵也

君道二

位。以。龍。飛。文。由。虎。變。周。公。御。衡。仲。尼。促。節。首。華。夏。爲。民。
物。宗。仁。義。爲。池。禮。讓。爲。城。中。天。地。作。綱。常。主。太。子。國。之。
貳。爰。立。青。宮。宗。室。君。之。支。乃。封。赤。社。后。妃。位。正。璇。室。車。
馭。金。根。公。主。派。出。天。潢。邑。頒。脂。粉。變。輿。一。幸。快。瞻。結。茂。
翩翩。斧。戩。宏。開。遙。望。翠。華。冉冉。螭。頭。陛。下。二。史。周。旋。龍。
尾。道。中。百。官。趨。走。禁。中。華。輦。已。經。妃。子。辭。來。臥。內。青。蒲。
曾。是。諫。臣。伏。處。山。三。呼。遙。傳。祝。頌。海。重。潤。已。入。歌。章。衣。
裁。素。練。有。后。以。助。清。修。萊。去。邪。蒿。得。人。以。承。明。體。日。色。

纔臨仙掌動仁澤。彌天香烟欲傍袞龍浮。瑞雲滿地丹
丘曾歷火。中朝當泰運之期。滄海不揚波。徼外仰聖人
之作。璇璣齊七政。喜瞻萬歲龍顏玉燭調。四時願獻千
秋金鑑。

易經乾卦九五飛龍在天。利見大人。易經革卦象
曰。大人虎變。其文炳也。君子豹變。其文蔚也。陸賈
新語云。盛天子三皇垂拱。五帝垂手。唐虞按轡。禹湯
馳轡。周公御衡。仲尼促節。文選云。人主以道德爲
圃。以仁義爲池。以禮讓爲城。北魏高允曰。太子國

之儲貳四海。屬心言行舉動萬邦作則。漢書大子
居青宮。蓋天地之長男。曰震。震主東方。其色青。故太
子立青宮。孔安國注尚書云。王者封五色土爲社。
齋以黃土。苴以白茅。赤社從南方土也。漢儀云。皇
后居璇宮。乘金根車。玉輅輦。唐制。大平公主則天
后所生下嫁薛紹。特賜以脂粉之邑。東京賦云。通
帛綺棧。玉海云。吉行以綺。棧師行以白旆。綺棧卽今
紅旗。綺音
音佩記明堂位。天子負斧扆。南嚮而立。注云。制如
屏風。繡爲斧文。故云。翠華。天子之旗。螭似龍。無

角。御階前所鑄。故謂之鵬頭陛。二史。左史右史。唐
含元殿前龍尾道。屈曲宛轉如龍尾然。故謂龍尾道。
漢書。成帝遊後庭。欲與班婕妤同輦。好辭曰。妾觀
自古圖書。賢聖之君。名臣在側。三代之後。乃有嬖妾。
上善其言而止。漢元帝欲易太子。史丹伏青蒲而
諫。蓋皇帝宮中。以青規地。曰青蒲。非皇后不得入。
漢紀。武帝登嵩山。與左右吏卒咸聞呼萬歲者三。故
今之朝儀曰山呼者。本此。漢明帝爲太子。樂人作
歌詩四章。贊頌之一曰。日重光。二曰。月重輪。三曰。星

重輝四曰海重潤 漢明帝馬皇后惟服練服六宮

咸服其儉 北齊那時爲博士授太子經厨人進菜

曰邪蒿時曰此菜有不正之名非殿下所宜食遂去

之 月色二句 唐王維詩 俱丹丘滄海 尚書舜典

在璇璣玉衡以齊七政 七政曰 尚書寶典云四時

調和謂之調玉燭 唐書張九齡於太宗千秋節公

卿並獻寶鑑九齡獨上封事十章號千秋金鑑錄以

伸諷諭

文職

公居槐位卿屬棘垣。御災乃是稜官。拾遺邦爲緊職。朱
幡皂蓋。郡守威儀。金馬玉堂。翰林聲價。猶天北斗。尙書
居喉舌之尊。應漢中台。師保膺股肱之輔。別駕因黃堂
中半刺學士。乃紫禁裏私人。御史名曰皂鵬。奸諛落膽。
太守稱爲紫馬。黎庶快心。文翰臣磨礪詞鋒。皇華使折
衝。口舌徐堅爲舍人樣。乃典絲綸。孔明有王佐才。必操
閤軸。御史驄馬。稜風凜六月。冰霜博士。瘦竿清節。應九
天沆瀣。文章渾上品。虞世南真乃行秘書。政事更無疵。

狄仁傑或非癡宰相鮮于子駿福星興一路歌謠余氏
崇龜生佛立萬家香火橋梓治縣有譜傳家父子宰山
陰棠棣理政多能劉氏弟兄守南郡五花判事還推解
事舍人一燭照天猶羨牧民刺史崔謩號太平官府政
簡刑清裴俠稱獨立使君身脩行潔范萊蕪一清堪掬
釜中嘗有遊魚魯中牟三異可嘉桑下獨馴雉雉引裾
諫魏文帝言官之直節森森下車問竇將軍憲職之雄
風凜凜除蠹剪棘喜聞魏郡之歌吟臥轍攀轅欣覩臨
淮之留霸

周禮秋官朝士掌建邦外朝之法。面三槐三公位焉。
左九棘孤卿位焉。棘取其心漢官儀御史執法稱

峻官。西京雜記拾遺立紫以其在北省之次獻可

替否故名紫職。漢官儀二千石皂蓋朱幡隼旗熊

軾。金馬漢之門名在翰林之左故今稱翰苑者曰

玉堂金馬。宋周麟之爲學士宴儀洒落進止凝重

班冠玉笏望之者意神仙中人高宗御書玉堂二大

字賜之爲翰苑盛事。後漢李相疏云陛下有尙書

猶天之北斗北斗爲天之喉舌尙書乃陛下之喉舌

後漢郎顗傳云三公上應台階。宋以文彥博爲太師。辭不拜。批答云。卿義重股肱。望隆殿陛。漢制通判從刺史行部。別乘一佐車。謂之別駕。亦謂之半刺史。故東坡送趙旼赴永嘉云。風流半刺史。職官分紀云。唐天子待翰林學士。禮遇親厚。人謂之內相。亦曰天子私人。唐書。王志愔爲侍御史。執法剛正。百僚畏憚。人呼爲皂鵬。御史言其顧瞻人吏如鵬鶚之視燕雀也。晉書。謝靈運出守永嘉。人語曰。騎紫太守也。故今稱太守曰紫馬云。翰苑新書云。

使臣之職出禮義之鄉入無知之俗折衝口舌間者

唐書徐堅字元固聖曆中楊再思王方慶爲東都留守引堅爲判官奏專委之慶嘗稱曰掌絲綸之選再思曰此鳳閣舍人樣後爲尚書史稱孔明有王

佐之才惜其當奸雄僭竊之際後漢桓典爲侍御

史執法無所避常乘驄馬京師畏之語曰行行且止

避驄馬御史東觀漢記甄宇爲博士每臘詔賜羊

祭酒議欲殺羊分其肉宇不可先取最瘦者後詔

問瘦羊博士何在因爲號唐書太宗嘗出幸有司

請載秘書以從上曰。不須。虞世南在行秘書也。武
后時狄仁傑初入相。時水沴閉坊門。楊再思入朝。值
一重車陷泥。馭者罵癡宰相。不能和調陰陽。楊再思
曰。爾牛自弱。不得全咎宰相。宋以鮮于子駿爲漕
運使。司馬光曰。此一路福是也。宋書云。余崇龜守
九江。愛民如子。民以手加額曰。余氏生佛也。因號余
佛子。南宋傅僧祐。子傅琰。相繼爲山陰令。尹父子
並著奇績。人稱其父子有治縣譜。南史劉之遴除
南郡太守。有惠愛及民之遴死。弟之亨代。亦仁愛吏。

民愛之。因呼曰大南郡小南郡。續通典云中書有
軍國政事。則中書舍人各執所見。雜署其名。謂之五
花判事。中選一人明達者。知機密。謂之解事舍人。唐
齊澣開元初。姚崇擢爲中書舍人。論駁詔誥。皆援證
古。諫朝廷大政。必資之時。號解事舍人。東齊紀事
田元均治成都。有聲。民有隱惡。輒摘發之。蜀人謂之
照天蠟燭。唐書崔謩爲秦州刺史。吏民喜曰。不意
今日見太平官府。五代史裴俠守河北。入朝。周奉
祖命獨立曰。裴俠清慎奉公。爲天下最有如俠者。與

之俱立。衆默然。時號爲獨立使君。晉書范丹字史雲。爲萊蕪令。清約自奉。民歌曰。甌中生塵。范史雲。釜中生魚。范萊蕪。後漢魯恭爲中牟令。蝗不入境。司徒袁安遣使往察之。值恭息桑陰下有雉。在傍童子不捕。使謂恭曰。公爲政有三異。積德禳災。一異仁及禽獸。二異童子有仁心。三異恭後位至司徒。而魏畧文帝欲徙冀州十萬戶。辛毗諫。帝不答。面起辛遂。引帝裾。帝乃從之。後漢書周紆徵拜洛陽令。下車先問大姓。吏悉數豪強以對。紆厲聲曰。本問貴戚。

若馬寶大將軍。寧知此賣萊傭乎。馬謂馬融。寶謂寶憲。後漢岑熙爲魏郡太守。民歌曰。我有枳棘。岑君伐之。我有蝨賊。岑君遏之。狗吠不驚。足下生鼈。含哺鼓腹。焉知凶災。我喜我生。獨於斯時。美矣岑君。於戲仁慈。音蝨年。後漢侯霸爲臨淮太守。被徵召。百姓老弱相携號哭。遮使者車。或當道而臥。皆曰。願乞侯君復留。赫

文職二

宰相赤舄玄冕。令尹墨綬銅章。給事稱曰。夕郎黃門。批
勅翰林。名爲仙掖。紫禁宣麻。中書可謂清平。官妙典絲
紉。美御史乃爲雄峻。職榮居察視之司。飽卿睡卿。名
號自別。銓部祠部。政事攸分。秘書第一官。豈除俗吏。太
守二千石。須屬偉人。絕俗離塵。梅子真乃翩翩仙尉。舍
貞履潔。袁聿脩固洒洒清卿。誰云公種生公。或謂相門
有相。柳公權直言不諱。多諍臣風。公孫弘細務不親。乃
宰相體。名高望重。汲長孺臥治於淮陽。俗美化醇。尹翁

歸去思於蜀郡李長吉翰林承旨却爲瑞世瓊瑤張魏
公禮部侍郎乃作冲天羽翼民歌善政聞江東之有三
岑士仰直聲喜漢世之多二鮑青錢學士滿胸文字甚
瑰奇黑髮尚書一路功名無阻滯左記言右書動獻納
司存雨露邊前補過後拾遺諫臣名寄雷霆下袁尚書
屬魏朝杜預學問宏深寇丞相爲宋代謝安事功赫奕
熱職王司馬不屑冷官鄭廣文且爲何令尹念切民鰥
更敢閤益昌之詔賈使君心勤政績寧辭立洛郡之碑
韓公爲祭酒官國子監庶不寂寞蘇子膺學士選翰林

院自是增崇左雄居喉舌司僉云其可季布治股肱郡誰曰不空

漢丞相金印紫綬黃扉黑轡赤舄玄冕所以異車服於百辟也漢官儀令尹銅章墨綬漢官儀黃門屬黃門令日暮入對青瑣門拜謂之夕郎東軒事錄云翰林清要謂之仙掖唐太宗用黃麻紙寫詔勅文唐玄宗別置學士院掌內命凡拜免將相皆用白麻拜受官免罷官唐德宗詔曰詞臣者乃清平美官也禮記子曰王言如絲其出如綸王言如綸其出

如緯。通典云。御史爲風霜之任。糾彈不法。百僚震
恐。官之雄峻。莫之比焉。後漢鄭據爲侍御史。上疏
曰。斗筭小吏。擢在察視之官。分當刺邪。矯枉耳。蘇
長公詩注。衛尉爲煖卿。宗正爲冷卿。光祿爲飽卿。鴻
臚爲腫卿。司農爲走卿。晉有六曹。尚書。隋改吏部
曰銓部。戶曰版部。兵曰武部。禮曰祠部。刑曰憲部。工
曰起部。至唐武德三年。復舊。梁書。劉孝綽除秘書
丞。帝曰。第一官。與第一人爲之。漢制。太守之祿二
千石。漢宣帝詔曰。與我共理者。其惟良二千石乎。

西漢梅福字子真爲南昌尉上疏言事不用遊棄官。
一朝携妻子去九江不知所終人傳以爲仙。唐岑
參送麴少府詩黃綬一神仙蓋本此。唐書袁聿脩
爲太常少卿薄于自奉時日之爲清卿。晉王況云
公門有公卿門有卿。梁書王訓召見帝曰可謂相
門出相。調王儉子唐書柳公權文宗嘗詔共論事公切
直無所回互。帝謂之曰卿論事有諍臣風遂擢諫議
大夫。後漢朱浮論云吳起與田文論功文不及者
三。朱買臣難公孫弘十策弘不得其一終之田文相。

魏公孫宰漢誠知宰相自有體也。漢文帝拜汲黯
爲淮陽太守。黯謝不肯行。帝曰。君薄淮陽耶。顧淮陽
吏民不相得。吾欲得君重臥而治之。漢循良傳云。
黃霸治潁川。龔遂治渤海。尹翁歸治蜀郡。召信臣治
南陽等。所居民富。所去見思。生有榮號。死有奉祀。
唐史李賀字長吉。爲永旨。翰昌黎美之曰。瑞世之瓊
璫也。翰苑新書朱晦菴集云。張魏公除禮部侍郎。
召對便殿。上慰勞宣諭曰。朕將有爲。正欲一飛冲天。
而無羽翼。卿爲朕留意當專任用。唐書岑義爲金

壇令弟仲翔爲長洲令。仲休爲深水令。皆有治績。世
號三岑。宰相宗楚客語本道巡察御史曰。毋違江東
三岑。漢鮑永。鮑恢。爲御史。抗直貴戚。歛手時號二
鮑。唐書張鷟字文成。善文詞。員半千稱其文猶青
銅錢。萬選萬中。因號爲青錢學士。淮魏音南史袁昂
爲吏部尚書。梁帝謂曰。齊明帝用卿爲黑頭尚書。我
用卿爲白頭尚書。左右史記事之官。君過必書。左
記言。右記動。杜工部贈起居田舍人詩。獻納司存
雨露邊。地分清切任才賢。舍人退食收封事。宮女開

兩近御筵。唐歸登拜右拾遺德宗欲相裴延齡熊

執易草諫疏稿成持以示登登曰願寄名雷霆之下

安忍足下獨當卽連名上諫北史後魏肅宗舉觴

謂羣臣曰袁尚書朕之杜預故以杯屬元凱侍坐者

莫不仰美晉杜預字元凱預爲尚書損益萬幾不可勝數號曰杜武庫宋書寇

公澶淵之役契丹不得志而歸時人以其功比晉之

謝安云北齊王晞爲并州司馬昭帝欲用爲侍中

辭不受謂人曰吾非不愛熱官但思之爛熟耳唐

鄭虔爲廣文先生杜公贈詩云廣文先生官獨冷

唐何易于爲益昌令。觀察使奉詔權茶。何閣其詔不
行。觀察使素聞其恤民。亦不之劾。唐賈敦願爲洛
州刺史。百姓共立碑。及弟敦實爲長史。復刻石頌美。
兄碑之側。人謂棠棣碑。唐李翱作昌黎公行狀云。
公遷祭酒。日會講生徒。咸曰。韓公爲祭酒。國子監庶
不寂寞矣。宋會要云。元祐元年。擢起居舍人爲翰
林學士。人語曰。蘓子瞻入翰林。翰林增重矣。後漢
虞詡以左雄有公忠節。上疏薦之曰。伏見左雄有王
臣蹇蹇之節。空擢在喉舌之官。必行匡弼之益。上以

雄爲尚書。漢季布爲河東太守。孝文召見之。曰。河東吾股肱郡。今特名君耳。

文職三

秘省儒臣。名爲清秩。太常禮職。號曰上卿。郎官應列宿。之。躔。邑。宰。符。雷。鳴。之。象。翰。林。清。要。官。銜。允。是。一。條。冰。憲。寺。威。嚴。法。度。頗。稱。三。尺。雪。伯。夷。典。禮。后。夔。典。樂。人。推。虞。代。淳。風。名。公。爲。保。周。公。爲。師。士。美。成。周。治。化。裴。度。五。登。相。職。柱。礎。朝。堂。賈。餗。三。典。禮。闡。權。衡。人。物。剛。風。不。靡。都。亭。御。史。獨。理。輪。直。節。無。回。殿。陛。尚。書。偏。叟。履。宰。相。屬。天。子。股。肱。佐。大。夫。是。聖。明。筋。脉。臣。叅。政。號。曰。魚。頭。佞。諛。喪。膽。御。史。稱。爲。鐵。面。奸。宄。寒。心。仁。宗。選。拾。遺。雙。騶。並。駕。登。

臺省太宗授承旨五鳳齊飛入翰林熙寧三舍人乃一朝碩彥慶曆四諫士實千古良臣灘上一雙鷗鷺飛僧孺入相堂中三尾鱸魚集楊震爲公雙鴈隨車却美日南賢太守羣蝗赴海須知廣漢好循良魏鄭公不願作忠臣許長史猶堪稱廉吏狀元曾是渴睡漢惟呂文穆乃占魁名宰相必用讀書人舍寶可象誰當鼎軸

漢文帝詔旨云秘書省清秩也趙典爲太常雖處上卿而布被瓦器賀循拜太常中宗下令曰循冰清玉潔行爲俗表位處上卿屋僅蔽風雨特賜六尺

牀褥并錢二十萬以表至德。漢紀館陶公主爲其
子求文林郎。明帝不許。止賜錢十萬緡。謂羣臣曰。郎
官上應列宿。苟非其人民受其殃。初學記。雷震百
里。古者制縣地止百里。故邑曰雷封。東都事畧。宋
陳彭年兼數職。皆清要之選。復授學士。人見其官銜
謂爲一條冰。陳子昂送陳舍人擢大理詩云。古來
定國有英稱。廷尉須持天下平。詔自九重天。上下吏
從三尺雪中行。翰苑新書云。唐虞伯夷爲秩宗。后
夔典樂。太常之任也。皆云禮官。漢儀注。成王作周

官立太師太傅太保爲三公。周公爲師，召公爲保，畢公爲傅。唐宰相再入者，長孫無忌、狄仁傑、李吉甫。三入者，張延賞、鄭畋。四人者，姚元崇、韋安石。五入者，蕭瑀、裴度。礎音楚，柱下石。識官分紀云：賈餗拜禮部侍郎。凡典禮闡三歲所選士七十二人，多至公卿人服其藻鑑。餗音速。後漢書：張綱爲侍御史，安帝時遣八使按行風俗，皆碩儒知名，多歷顯位。唯綱年少，官次最微。餘人受命之部而綱獨埋其車輪於洛陽都亭，曰：豺狼當道，安問狐狸？遂奏大將軍梁冀兄弟罪惡，京

師震竦。前漢鄭崇爲尚書。嘗曳革履進諫。帝笑謂
左右曰。我識鄭尚書履聲。漢匡衡曰。大臣國家之
股肱。天下所瞻仰。在明主所宜擇。唐李絳制云。大
夫王之筋脉臣。宋魯宗道叅知政事。言語切直。貴
戚畏憚。目爲魚頭。叅政蓋魯字魚爲頭。且稱爲骨鯁。
臣亦因其姓也。宋趙卞字閱道。衛州西安人。少孤。
貧。舉進士。及爲殿中侍御。彈劾不避權倖。京師號爲
鐵面御史。初學記云。宋仁宗朝。以孔道輔。范仲淹。
二人爲拾遺。皆忠於其職。綽有直聲。士人共嘉之。謂。

之臺省雙騶

丘鳳見後賢才

宋李定附王安石除御史

知制誥宋敏求蘓頌李大臨封還制書執奏不已並

落職世稱爲熙寧三舍人東都事畧仁宗朝余靖

歐陽修王素蔡襄共爲諫官皆善于其職號慶曆四

諫唐時河南伊閭縣前有大溪每僚佐有入臺省

者先有灘出石爍金沙清徹可愛牛僧孺爲尉一日

報灘出邑僚列筵觀之老吏曰當有鴻鴈來乃驗宴

未竟一雙鴻鴈飛下不旬日僧孺拜西臺御史後乃

爲相後漢楊震客居于湖有鸛雀銜三鰓魚集講

堂都講曰三鱣者三公之象先生從此升矣後爲太尉。後漢虞國遷日南太守。每行縣有雙鴈隨車。時人嘉之。號雙鴈太守。漢馬棱爲廣漢太守。威德化民。郡中有蝗。皆飛入海中。化爲鰕。唐書魏徵謂太宗曰。臣願爲良臣。不願爲忠臣。良臣伊呂稷契是也。忠臣龍逢比干是也。漢黃霸爲令。許丞年老耳聾。吏白去之。霸曰。許長史。廉吏也。雖重聽。何傷。歸田錄。呂蒙正未遂時。作詩云。挑盡寒燈夢不成。胡且笑曰。一渴睡漢耳。次年呂及第。因寄聲于胡曰。渴睡漢。

今中狀元矣。胡大慚。宋太祖踐位。詔無得用舊代
年號。建元乾德。一日見宮人有鏡。曰乾德四年鑄。臣
下無一論者。問于宦儀儀曰。此宮人必蜀女也。蜀王
有乾德年號。太祖嘆曰。宰相須用讀書人。

武職

矯矯虎臣桓桓爪士曰頗曰牧英雄居武選之先若孫
若吳謀策出儔人之表飛將銳將熊虎將煌煌金節草
木知名鷁軍雷軍鴈子軍獵獵神旗鬼神褫魄鶩鳴雪
夜李愬擒元濟於蔡城鶴唳風晨謝玄走苻堅於淝水
薛總管三箭而天山定彎弓造李氏乾坤衛將軍一舉
而朔庭空仗劍洗劉家日月萬囊壅水可嘉韓信敗龍
且單騎降戎更羨子儀退回紇王宗裕稱枯松太保唐
代雄豪馮公孫號大樹將軍漢家英杰南蠻心未服諸

葛亮七縱七擒北敵勢方强婁師德八遇八克奮英風
當先陷陣黃騶少年獨奇鼓烈氣殷後摧鋒白馬長史
甚勇路人問霍去病速收絕漠之勲天子遣趙將軍真
得禦邊之策黃鬚驍騎奮揚曹氏威聲紫髯會稽振耀
吳軍武烈將軍國之心膺人言其不謬乎圻父王之爪
牙詩旨真可味也

詩云矯矯虎臣在泮獻馘書經牧誓云尚桓桓如

虎如貔如熊如羆桓桓威武貌頗牧者謂廉頗李牧也

俱趙將孫吳孫武吳起俱善用兵唐單雄信極

勇力事李密時號飛將唐馬璘武藝絕倫爲中興

銳將吳周瑜與孫權書云劉備以梟雄之姿又得

關張爲熊虎將有飲馬長江之志五代李克用將

兵賊憚之曰鴟軍至矣以軍皆衣黑故也鴟音唐

鄭畋節度鳳翔募壯兵五百號疾雷軍所向披靡

五代梁朱瑾募兵黥雙鴈于頰號鴈子軍鴈音唐

書吳元濟據蔡城李愬領兵擊之夜半至城下雪甚

旁皆驚鴨池愬令擊之以亂軍聲砍城先登黎明元

濟就擒謝玄事唐書太宗時九姓爲亂薛仁貴

武職

話

關

爲總管禦之三箭殺魁首三人。敵氣懾皆降。軍中歌曰：將軍三箭定天山，壯士長歌入漢關。漢武帝用衛青爲大將軍，征邊邊人遠遁，故謂朔庭空。漢書韓信擊楚楚以龍且領軍，與信夾淮水而陣。信夜爲萬囊盛沙，上流壅水，渡水擊且，佯敗且，引兵追之。信決囊放水，且兵大半不得渡，信擊之，且乃就擒。且音士大驚，遂責以背約之事。回紇乃降。吐蕃聞之夜遁。紇契約頗厚，可往說。遂單騎至回紇營，投戈而進軍。

唐王建平東川諸將爭功。獨王宗裕退立枯松下。衆嘉之。號爲枯松太保。漢馮異字公孫。性謙退。不伐諸將。破敵。嘗論功。異獨坐大樹下。若不聞人號。大樹將軍。蜀志。孔明以孟獲爲南蠻之首。欲服其心。七縱七擒。獲泣曰。丞相天威也。南人不復反矣。唐武后時。募壯士討吐蕃。婁師德戴紅抹額。應詔。後遇邊敵與戰。凡八戰八克。唐裴果勇冠諸軍。常乘騶馬。白袍登先陷陣。時號黃騶少年。漢史公孫瓚爲遼東屬國長史。常與善射之士乘白馬爲左右翼。烏

桓語曰止止避白馬長史。霍去病漢武之將也。

梁曹景宗破魏軍還武帝於華光殿開宴聯句令沈約分韻景宗請韻時韻已盡止惟競病二韻景宗云去時兒女悲歸來笳鼓競借問行人何如霍去病帝奇之。漢趙克國擊羌上問用兵幾何對曰百聞不如一見願馳至金城圖上方畧。漢建安間烏桓反曹操以子彰爲驍騎將軍擊之大勝操喜捋其鬚曰黃鬚兒大奇也彰鬚黃故云。吳志張遼問吳降人曰向有紫髯將軍便馬善射是誰曰孫會稽遼嘆

服。漢李廣斬霸陵尉。上書自陳。上報曰。將軍國之
心膂。詩圻父篇。圻父王之爪牙。圻父掌封

樞之臣

武職二

韜鈴主帥社稷干城鈴閣威嚴震動江淮草木齋壇令
肅廓清燕薊郊原曾聞刻石天山前更見洗兵青海外
鴈門馳突李廣八面皆鋒漢水縱橫趙雲一身是膽申
上奏寅報可恰從趙克國之便亥卯受命辰出師獨美
高宗文之勇決田單以火牛出陣勢焰誰當韓信用木
罌渡軍機謀叵測耀東吳之武烈太史慈乃猿臂英雄
震西域之威靈班定遠實虎頭豪傑周亞夫令嚴細柳
固真將軍祖士雅誓重中流誠奇男子岳飛大捷朱仙

鎮振揚宋室之威。張浚成功和尚原。驚破金人之膽。薛
仁貴擅唐之爐。將許仲康爲魏之虎。侯杖馬策下數十
城。孫策英風烈烈。乘長風破萬里浪。宗生俠氣翩翩。欲
天使例雲長。材實萬人之敵。高敖曹比項籍。望先百將
之班。竇憲登燕然而勒功。呂蒙入虎穴而擒敵。長孫晟
弓聲開霹靂。衆卒銷魂。諸葛亮陣法列天衝。三軍喪魄。
力強邁衆。敬德避稍而復奪。稍膽畧過人。張遼出陣而
猶入陣。白衣總管還稱人上之魁梧。錦繡夫人更美女
中之卓犖。

將帥之營。四面懸鈴。有警則鈴鳴。所以防不虞也。故
謂之鈴閣。史記。凡命將之道。必齋戒之壇。曰闢以
內。寡人制之。闢以外。將軍治之。曰齋壇。音杜甫
贈王思禮都護詩云。洗戈青海外。刻石天山前。青海
皆邊地漢書。李廣爲驍騎將軍。出鴈門。擊邊。善騎射。
所向披靡。因號廣飛將軍。且曰。飛將軍者。八面鋒也。
蜀志。趙子龍將數十騎。值操軍大出。雲前突其鋒。
且戰且却。至營。大開營門。魏軍疑有伏。引去。雲以勁
弩追射之。自相蹂踐。墮漢水死者甚多。明日。先主拔

行營壘。嘆曰。子龍一身是膽。

趙充國詳上篇

唐書高宗

文爲將。兵卒練習。器用無闕。憲宗命其討劉闢。卯受命。辰卽行。史記燕騎劫攻齊。田單以劍病之。夫乘城約降。因伺其少懈。以牛數千頭。畫龍文。束刃於角。焚火於尾。牛奔敵陣。死者甚衆。遂復齊七十餘城。史記韓信擊魏。魏王盛兵蒲坂。以塞臨晉。信爲疑兵。陳船欲渡。臨晉而伏。兵從夏陽以木罌渡。軍襲夏陽。擒魏王豹。魏地悉平。吳志太史慈猿臂善射。吳將之特也。漢書班超有奇相。相者曰。君虎頭燕頤。飛。

而食肉當封侯萬里。后超以三十六人平西域諸國，乃封定遠侯。漢書文帝時，邊人八寇，周亞夫屯軍細柳營，禦之上白勞軍，至霸上棘門已而之細柳。亞夫傳言開壁門，天子按轡徐行，亞夫以軍禮見文帝，嘆曰：「此真將軍矣！」晉書祖逖字士雅，爲奮威將軍，憫晉室之亂，渡江擊楫誓曰：「逖不能澄清中原而復濟者，有如此江！」言行錄：岳武穆與兀朮戰于朱仙鎮，大捷，金人畏之。言行錄：兀朮欲窺蜀，張浚使都統制吳玠于夙翔府之和尚原，先據要地。兀朮引衆

至玠擊之。元术中箭而遁。唐書太宗征遼東得薛

仁貴。因謂仁貴曰。朕不喜得遼東。喜得卿。虓將也。虓

聲。魏志許褚從操討馬超。曹與超單馬會語。惟褚

從超。欲突擒操。素聞許褚勇。疑從騎。是問曰。公有虎

侯安在。操顧褚。褚瞋目。盼之。超不敢動。乃罷。吳志

孫策傳。揮馬策下江南。數十城。南史宗慤字元幹。

慤年少。叔父少文問其所志。答曰。願乘長風。破萬里

浪。後爲名將。宋狄青京師呼狄天使。節鎮涇原上

欲一見之。詔令入朝。會寇逼平涼。乃令往禦。俾圖像

以進上觀其儀表嘆曰朕之關張也北史齊高品
字放曹父以其昂暫故名而字爲高歡將善弓馬時
人比之項籍漢竇憲擊邊登燕然山命中護軍班
固刻石勒功紀漢威德而還乃以憲爲大將軍吳
志呂蒙爲將嘗曰不入虎穴焉得虎子唐書長孫
放爲秦川道總管討突厥突厥畏晟威聞其弓聲謂
之霹靂見其走馬謂之閃電晉王笑曰將軍震怒威
行域外韻府羣玉云孔明八陣有天前衝天後衝
之名唐書尉遲敬德驍勇善避稍賊雖羣刺之不

能傷又能奪賊稍還刺之帝嘗問口避稍與奪稍孰
難曰奪稍難試使與齊王敵王三矢稍乃服稍音
魏志張遼守合肥爲孫權所圍領數十人潰圍而出
衆號呼曰將軍棄我乎復入圍拔出餘衆唐書薛
仁貴愛着白袍人號白衣先鋒亦號爲白衣總管
隋唐史馮寶妻洗氏爲南國首領撫循衆部隋文帝
封石龍夫人戰則錦繖自衛乘寶驄軍中號錦繖夫
人至老未嘗敗陣年八十二而終古今女將第一人
也

夢雪堂古事苑定本卷之三



饒安

鄧志漢景南

編輯

戴

珉潔澄

西泠

戴

聰瀾石

參定

戴

琰師會

倫行

祖稱王父。父曰嚴君。孿子聯胞。乳而生。弟孫繼立。來而
出。金昆玉季。可稱兄弟。雙奇桂樹。蘭芽爭美。子孫並美。
靈運子孫。多是鳳美。更何如荀明兄弟。孰非龍奇。誰與

比○割○肝○延○劇○病○姑○媳○恩○深○割○髮○表○貞○心○夫○妻○義○重○突○圍○
叔○父○荀○崧○女○可○當○奇○男○窺○御○激○夫○齊○卒○妻○乃○同○嚴○傳○柳○
宗○元○以○柳○易○播○豈○非○天○下○奇○朋○鄧○伯○道○全○姪○棄○兒○乃○是○
人○間○賢○叔○代○夫○人○情○孚○骨○肉○一○朝○爲○棄○子○磨○笄○狄○仁○傑○
義○重○金○蘭○萬○里○代○鄭○君○握○節○羊○雲○爲○舅○亡○慟○哭○任○素○曰○
天○難○解○危○義○竹○叢○生○和○氣○萃○明○皇○之○苑○孝○烏○並○泣○哀○聲○
蕙○蕭○母○之○墳○併○糗○糧○以○全○交○頗○稱○死○友○收○鼻○與○以○諷○父○
公○曰○純○孫○趙○氏○友○于○有○兄○而○爭○弟○之○死○張○門○雍○睦○以○子○
而○代○姪○之○生○姜○肱○共○被○同○眠○天○倫○盡○善○聲○子○班○荆○並○話○

友○誼○惟○殷○五○倫○總○屬○綱○常○百○行○獨○先○名○教○故○爲○夫○必○端○
型○範○慎○勿○來○畏○婦○之○譏○而○有○子○須○教○義○方○更○莫○陷○譽○兒○
之○癖○

祖○父○母○謂○之○王○父○母○又○祖○曰○大○父○易○曰○家○人○有○嚴○
君○焉○父○母○之○謂○也○戰○國○策○學○子○之○相○似○其○母○知○之○

言雙生子也爾○雅○玄○孫○子○爲○來○孫○來○孫○子○爲○舅○孫○舅○孫○

子○爲○仍○孫○仍○孫○子○爲○雲○孫○故○曰○曾○玄○仍○雲○歸○同○南○

宋○王○銓○美○風○儀○與○弟○錫○齊○孝○行○人○曰○銓○錫○二○王○玉○昆○

金○友○言兄弟貴重晉○顧○榮○語○人○云○桂○子○蘭○孫○惟○家○之○

賈。蘇東坡答馬忠王詩。靈運子孫多是鳳。荀明兄弟。孰非龍。唐鄭崇訓妻蔣氏。事姑孝。姑病不瘳。晉者曰。須得人肝補之。蔣于是割肝少許。煮湯食。姑姑病遂愈。唐賈直言坐事貶嶺南。謂妻董氏曰。我死可別嫁。董不答。引繩束髮。封以帛。使直言署曰。非君手不開。直言貶三十年歸。封帛如故。及洗沐。髮盡落。唐荀崧守襄城。爲杜曾所圍。勢促。崧女灌突圍而出。求救于周訪。聞乃解。史記晏子爲齊楊。出共相御之妻。聞其夫意氣揚揚。甚自得也。歸而請去。曰。晏

子長不滿六尺身相齊國名顯諸侯妾觀其出志念
深矣常有以自下者今子爲人僕御自以爲足妾是
以求去也其後夫自抑損晏子薦以爲大夫唐柳
宗元初選官得柳州劉禹錫得播州宗元曰夢得親
老之任奚堪于是請于相願以柳易播韓退之作墓
誌乃載其事云晉鄧攸字伯道永嘉之亂携其子
與兄子綏逃難度不能兩全乃棄其子抱兄子以逃
後竟絕其嗣時人哀之語曰天道無知使鄧伯道無
兒

唐筭已
詳地理

唐狄仁傑爲并州法曹同僚鄭崇質

當使絕域。鄭母老且病。狄曰。彼母如此。可使之有萬里之憂。遂詣長使蘭仁基。請代其行。時人皆歎服。

晉謝安甥羊曇安死。曇思念之行。不由西州門。一日至其處。乃大慟而返。唐崔寬守成都。楊子琳叛。寬力戰被圍。寬妾任素有勇畧。自將千餘人以救寬。子

琳大懼。

義竹叢生
詳後官室

北齊蕭放君喪。以孝聞。廬室

前有二白鳥。馴集每候。放哭泣。亦爲之悲鳴。鄉人異之。春秋時。羊角哀。左伯桃。聞楚王賢。往事之道。遇雨雪。計不能俱全。乃併衣糧與角哀。自入空柳中死。

人稱爲死友。原穀祖老病，父厭苦之，乃作舁輿棄之野。穀諫不從，乃隨父收輿歸。父曰：「焉用此凶具？」對曰：「穀以後父老，得以是收之。」父感悟，載祖歸，更爲孝子。穀乃爲馴孫。漢趙孝弟，禮爲賊所執，將殺而食之。孝自縛詣賊，曰：「禮瘦不如孝肥。」賊義之，俱釋焉。魏張範子陵及姪戢俱爲賊所執，欲殺之。食範詣賊，請二子。賊以陵還。範曰：「人情雖愛其子，然吾猶憐戢之小。」請以陵易之。賊高其義，俱還之。後漢姜肱友孝與弟五人各娶，兄弟相戀，不能別寢，作一布被寢。

則共之。兄弟俱以孝友聞。左傳伍參與蔡大師子

朝友。其子伍舉與子朝之子聲子善。及伍舉奔晉。聲

子遇之於鄭郊。班荆相與食。而言復故。謂布荆坐地共議歸楚

聞見錄。王文穆夫人悍妬。公嘗作三畏堂。楊文公

戲曰。可改四畏。公問其故。曰。兼畏夫人。唐王福峙

有五子。勗勗勃助勸。皆以文顯。福峙嘗稱之于韓彥

思。彥思笑曰。昔武子愛馬。有馬癖。君愛子。有譽兒癖。

王家之癖。抑何多耶。

倫行二

五倫系屬千古綱常曰梓曰橋父子之尊卑有別如龍如虎子孫之優劣差殊墳簞此兄弟之友于琴瑟如夫妻之好合庭階前問稚子效傳呼之語蕭儼喜見曾孫殿陛上乞君王補清要之銜觸讐猶憐少子東方生爲待詔日曾割肉以遺細君漢高祖作小郎時嘗食羹以過丘嫂田家復聚紫荊花下春風虞帝新徂斑竹林中夜雨陳情表李令伯蓋烏烏之私悼往辭潘安仁動烏魚之感司馬光事兄如父弟之道比子道何慚桓車騎

視姪猶兒。叔之親與父親一致。積經爲世訓。章立成樂。有賢父兄。書字恆時。名王羲之。却是佳子弟。功名不實。狄兼謨。綽有祖風。文學有華宋之問。乃分父絕敬。則應得鳴鼓角。毋覘子榮。宗武更勿帶羅囊。父規兒怠。泰伯讓弟。以國士咸稱辭。富居貧。薛包分姪。以財人。僉謂棄濃味道。花蕊夫人因主泣。俘四妃。勝更恓惶。木蘭女子代爺征。巾幗丈夫偏卓犖。聶政姊撫屍而哭。爲其弟成俠節。聲名王陵母伏劍而亡。代厥兒立忠貞。事業歷稽青史。盡屬奇聞。第周嵩舉火攻兄。此正是無良之輩。若

溫嶠絕裾別母亦無乃不齒之僉。

家語伯禽與康叔見周公三見三笞之伯禽莫悟乃問商子商子曰南山之陽有木名橋南山之陰有木名梓何不往觀之二子往見橋木高而仰梓木竇而俯還告商子商子曰橋父道也梓子道也南宋王僧虔戒子曰吾門中優者爲龍鳳劣者爲虎豹失蔭之後豈龍虎之謂哉正宜各自努力耳詩經伯氏吹埙仲氏吹箎埙音喧箎音池皆樂器此兄弟和聲相應五代周蕭愿梁宰相願之子曾祖倣唐時人相愿爲兒戲效傳呼

之聲。傲語。客曰。我不以得相爲喜。所幸壽考。又見曾

孫。戰國策。趙左師觸龍見太后曰。老臣賤息舒祺

最少。臣竊憐之。願補黑衣之數。太后曰。丈夫亦愛少

子乎。對曰。甚于婦人。東方朔詳時令史記。漢祖微時。與

客至丘嫂家。嫂食羹。厭叔與客來。陽爲羹盡。饒客

已去。視盎中有羹。由是怨嫂。後封其子爲顯羹侯。丘

也。又空也。兄死。空有嫂也。顯羹山名。在爲州。益。怨昔者。嫂。羹。借山名。以附之。故。嫂不賢。謂要羹之嫂。

齊諧志。田真。田廣。田慶兄弟。欲分財。庭前有紫荆

樹。花葉茂盛。夜議。斫分爲三。曉卽憔悴。真嘆曰。樹本

同枝聞分析尚如此人何不如也遂不復分荆花復
茂通鑑舜南巡崩于蒼梧之野其妃娥皇女英哭
之酒淚干竹竹有斑痕今之斑竹其遺也晉李密
字令伯除洗馬值祖母病作陳情表辭云臣無祖母
無以至今日祖母無臣無以終餘年母孫二人更相
爲命是以區區不能廢遠烏烏之私願乞終養帝允
其奏賜婢女二人使郡中給供養晉潘岳字安仁
喪妻作悼往辭有云如彼翰林烏雙棲一朝隻如彼
遊川魚比目中路折司馬光與其兄伯康友愛甚

篤年八十奉之如嚴父。每食少頃則問曰得無饑乎。天少冷則拊其背曰衣得無薄乎。晉桓溫薨桓南郡冲之姪冲爲車騎將軍每自目已坐曰靈寶成人當以此坐還之。鞠愛過于平生。靈寶字小字漢韋賢字長孺子立成俱以明經位至丞相人語曰遺子黃金滿籬不如教子一經。晉王羲之自幼能文章且善隸書草書深爲從伯敦所器嘗謂羲之曰汝是吾家佳子弟當不減阮主簿。謂阮裕唐書狄仁傑孫兼謨有祖風遷御史中丞帝謂曰卿狄梁公後能不墜家

聲

煙音

唐宋之間父令文富文辭且工書有力絕

人。世。謂。之。三。絕。後。之。間。以。文。章。名。弟。之。梯。以。驍。勇。聞。

之。遜。精。草。隸。世。謂。皆。得。父。之。一。絕。北。齊。王。敬。則。母。

嘗。謂。人。云。敬。則。應。得。鳴。鼓。角。人。笑。之。曰。汝。子。得。爲。人。

吹。鼓。角。可。矣。後。果。封。侯。給。鼓。吹。杜。甫。示。子。宗。武。詩。

云。覓。句。新。知。律。攤。書。解。滿。床。試。吟。青。玉。案。莫。帶。紫。羅。

囊。周。泰。伯。知。父。太。王。欲。立。季。歷。乃。與。仲。雍。逃。之。荆。

蠻。文。身。斷。髮。以。示。不。可。用。於。是。太。王。立。季。歷。傳。國。至。

文。王。唐。薛。包。與。姪。分。財。奴。婢。引。其。老。病。曰。與。我。共。

事久也。田廬取其荒頓。曰。吾少時所治。意所戀也。器物取其朽敗。曰。我服食久。身口所安也。花蕊夫人。蜀主孟昶妃也。有詩名。宋太祖平蜀。命作詩。夫人泣吟云。君王城上豎降旗。妾在深宮那得知。十四萬人齊解甲。更無一個是男兒。唐有木蘭女子。代父征戎。十年而歸。其樂府詞有云。昨夜見軍帖。可汗大點兵。軍書十二卷。卷卷有爺名。阿爺無大兒。木蘭無長兄。願爲市鞍馬。從此替爺征。史記。聶政受嚴仲子之託。刺韓相俠累。遂自殺。暴屍于市。其姊泣曰。是吾

弟聶政也。我豈可自愛其身不成賢弟之名亦自殺
于故屍旁。前漢王陵以兵屬漢。項羽取陵母置軍
中。欲以招陵。陵母私送使者曰。願爲老妾語陵。漢王
長者。吾兒母以老妾故持二心。遂伏劍而死。陵卒從
漢。世說周顗字伯仁。弟嵩飲醉。謂伯仁曰。君才不
如弟而橫得重名。須臾遂舉蠟燭火擲伯仁。伯仁笑
曰。阿奴火攻。固出下策耳。晉書溫嶠入蜀。其母引
裾留之。嶠曰。功名不可失也。絕裾而行。

倫行三

和就熊九柳玼母好爛殘羊舌叔向親賢強項孫因祖
傳芳貴介弟得兄致重白居易立阿新主後姪繼叔嗣
楊子雲得童烏預立子承父志子路南遊倏爾悲親之
死仲尼右拱兀然有姊之喪天倫全處數明皇最喜五
王惺大孝道盡時推閤損自甘一子衣單子太常導母
之與許多貴顯弟學士草兄之制何等光榮奉養心勤
毛孝子爲母捧功曹之檄韜光念切楊處士對君誦妻
子之詩繆彤與婦欲言分無異尚雍和田家伯仲鄧禹

教兒皆執藝。何殊守清白。楊震子孫。阿連輩。寧是常兒。
王湛君。豈爲癡叔。馬援得璘。能耀武。畢竟孫賢。祁奚舉
午。不避親。皆因子肖。掘取隧泉。曾有得。便知母子重歡。
剖開鸞鏡。復相逢。更憶夫妻再合。兒遊境外。倚門也倚。
闌。也不勝慈母之懸懸。子過庭前。學詩乎學禮乎。正切。
嚴君之懇懇。寶滔遠戍音塵絕。妻還織錦。廻文。孟子開
遊事業荒。母且斷機。廢織。遊子吟。未忘眷戀。去婦怨。不
忍悽愴。漢祖索父之焚。固非其情也。文王食子之肉。大
不得已乎。

唐柳仲郢母善教子。仲郢嗜學。嘗以苦參黃連末和熊膽爲丸。使夜嚼。助其勤。竟成大才。左傳。昔有攘羊者。以羊頭餽叔向。向母埋之土中。後事發。追驗羊頭。俱爛。惟有舌在。國人異之。號羊舌氏。後漢書。楊震孫奇。立朝剛直。靈帝謂曰。卿強項。真楊震子孫耶。左傳。州伯犁曰。王子圉。寡君之貴介弟也。介大。唐書。白居易無子。以兄子阿新者爲後嗣。楊子雲作太玄經。童烏九歲。能知其大義。子雲嘗語人曰。吾家童烏九歲。預吾玄文。家語。子路曰。昔者由也爲

親百里負米。親沒南遊於楚。從車百乘。累裯而坐。列鼎而食。願負米百里。豈可得乎。家語孔子與門人拱而尚右。二三子亦皆尚右。孔子曰。二三子之嗜學也。我則有姊之喪也。于是二三子尚左。唐玄宗爲長枕大被。與兄弟同寢。殿中設五幄。與諸王更處其中。謂五王帳。閔子騫後母待之薄。冬月衣已之子。以綿衣。子騫以蘆花。父知之。欲出其母。子騫跪泣曰。母在一子寒。母去三子單。唐書崔邠拜太常卿。故事太常始視事。大閱四部樂。都人縱觀。邠自第去帽。

親導母與公卿見者避道。唐書韓子華入相其弟

在翰苑草制。縉紳榮之。後漢毛義以孝行稱。府檄

至。以義守安陽。令義捧檄而喜。張奉薄之。後義母亡。

遂不仕。奉嘆曰。往日之喜。乃爲親也。檄音朱真宗

東封。召天下隱士。得杞人楊僕。上問卿臨行。有人贈

詩否。僕曰。臣妻有一首云。更休落魄貪杯酒。切莫猖

狂愛作詩。今日捉將官裏去。這回斷送老頭皮。真宗

大笑。放歸山。唐繆彤兄弟四人。諸婦求分異。彤乃

掩戶自撾。曰。繆彤學聖人之道。將整齊風俗。柰何不

能正家乎。諸婦聞之，叩頭謝罪。漢書：鄧禹十三男，皆命其各執一藝。晉謝惠連初有奇才，不爲父方明所知。族兄靈運謂方明曰：「阿連才悟如此，卿未可以常兒遇之。」晉王湛初有隱德，人莫能知，皆以爲癡。兄子濟因聆講周易，大嘆服。武帝見濟，輒戲曰：「卿家癡叔死，未濟曰：『臣叔殊不癡。』因以事聞。湛由是著名。後漢馬援之孫嘗讀援傳，至大丈夫死於邊，以馬革裹屍，慨然曰：『令吾祖勲業墜地下乎？』遂奮發而爲名將。左傳：祁奚請老，晉侯問其所嗣，曰：「午。」

也可。左傳鄭莊公寘姜氏于城穎而誓曰不及黃泉無相見也。穎考叔聞之見于公公賜食食舍肉公問之對曰小人有母未嘗君之羹請以遺之公感悟告以誓穎之故對曰若掘地及泉隧而相見誰曰不可公從之遂爲母子如初。陳太子舍人徐德言尚樂昌公主。陳政衰謂妻曰國破必入豪家尚冀相見乃破鏡各分其半。及陳亡妻果爲楊素所得爲詩云鏡與人俱去鏡歸人未歸無復姮娥影空留明月輝。樂昌得詩感泣素召德言還之。通鑑齊淖齒之亂。

王孫賈從王失其處而歸。母曰：汝朝出而晚來，則吾倚門而望；汝暮出而不還，則吾倚閭而望。王走，汝不知其處，汝何歸焉？賈乃攻淖齒殺之，立湣王子爲王。

保莒城以拒燕。

學詩學禮
教伯魚事

晉竇滔徙流沙，妻蘇

氏蕙娘織錦爲迴文圖以寄宛轉迴環，其辭甚悽愴。

孟郊遊子吟云：慈母手中線，遊子身上衣。孟郊

去婦怨辭君，心匣中鏡一破不復全。妾心藕中絲，雖斷猶牽連。一女事一夫，安可再移天。君聽去鶴言，哀哀七絲絃。文粹馮用之權論云：子雖至親，西伯食

其肉不然則死於羹里也父雖至尊沛公索其羹不
然則臣於項羽也。

倫行四

封胡。竭末。鴈陣連翩。瑜珥瑤環。蘭芽秀茁。有是父。有是子。石家之弓。冶惟良。難爲弟。難爲兄。陳氏之詩。書未艾。謝超宗。文章采采。殊有鳳毛。周文王。仁厚振振。乃稱麟趾。李嶠。無兒。蘓瓌。有子。曾聞國有品。評餘慶。今子朕躬。直臣。且見帝加慶賀。握拳透爪。忠臣與君上同讐。嚙指痛心。孝子通母親。一氣生兒。得如李亞子。父遂父心。誠姪勿學。杜季良。叔全叔道。傳家必遺清白。崇雅黜浮教。子還須義方去邪從正。班超妹好。上書從異域。徵兄張

介兒奇。棄職向遐陬。覓父。韋長孺遺子孫舊典。不墜書。
香。萬石君浣父母中裙。乃扶人紀。舉猶兒以振武。謝公。
宏恢晉之聲。爲愛子以報仇。呂母召覆秦之釁。焚裘伏。
劍。羅母與陵母俱賢。躍鯉殺鷄。姜生及茅生並孝。楊盈。
川之姪女。可作謝道韞。謝安石之嗣孫。還比蘭相如。兄。
弟文華正好。共聯花萼。集夫妻恩愛。未應更作白頭吟。
蔡文姬蓬首恓惶。救夫念切。李英公燃鬚潦倒。愛姊情。
殷。王司馬慈以撫孫。更喜雕成蠟鳳。陳夫人嚴而責子。
何効。杖墮金魚。第無父只留手澤。人情悲乎。若有兒撞。

破烟樓吾願足矣

東晉書謝氏兄弟最彥秀者。稱封胡羯末。封謝韶小字胡。謝朗小字羯。謝玄小字末。謝川小字結。羯音韓

公作馬君墓誌見少傳幼子娟好靜秀瑤環瑜珥蘭

茁其芽

子孫之美也

楊子石奮石建父子之賢也無是

父無是子無是子無是父也漢陳元方子長文與

季方子孝先各爭論父功德諮於祖太丘太丘曰元

方難爲兄季方難爲弟南史謝鳳子超宗有文辭

作殷淑妃誄帝大歎賞曰超宗殊有鳳毛唐書中

宗嘗召宰相蘓瓌。李嶠子進見。瓌子頽曰：木從繩則正。后從諫則聖。嶠子頽曰：斯朝涉之脛。剖賢人之心。上因曰：蘓瓌有子李嶠。無兒。唐鄭餘慶子涵爲右補闕。敢言無諱。憲宗曰：餘慶令子朕直臣也。可更相賀。唐書：張睢陽恨賊。握拳透爪。曾參少孤。事母孝。嘗出求薪。有客至。母望參不至。嚙其指。參卽心痛。歸而問其母。母曰：有客卒至。吾嚙指以悟汝爾。五代唐李存勗破梁夾寨。梁祖嘆曰：生子當如李亞子。克用不亡矣。亞子存勗小名馬援戒兄子書云：龍伯高敦

厚周慎口無擇言謙約節儉廉公有威願汝曹效之
杜季良豪俠好義清濁無所失不願汝曹效之效伯
高不得猶爲謹勅之士所謂刻鵠不成尚類鶩也效
季良不得陷爲天下輕薄子所謂畫虎不成反類狗
也後漢楊震守涿郡清廉或欲令開產業震曰使
後世稱清白吏子孫以此遺之不亦厚乎左傳衛
莊公之子州吁有寵好兵公弗禁石蜡曰臣聞愛子
教之以義方弗納于邪唐張介客于蜀不還子吉
爲兒時作詩云應是子規啼不到致令我父不歸來

及長而第乃棄職迎父以歸。人無不嘆息。

韋長孺傳經詳

前篇漢書石奮父子五人俱二千石之秩。號萬石君。

萬石君雖貴。嘗爲親浣其中裙。

中裙裡衣也。

晉書符堅

大舉兵侵寇。謝安舉兄子玄爲將。却之。玄以八萬兵

敗堅於淝水。堅兵遁。以風聲鶴唳皆爲師。

秦二世

時琅瑯海西有呂母者。子爲縣吏。縣宰以小罪殺之。

呂母傾家貲。合衆至數千。執宰殺之。羣盜之起。由于

呂母始。晉書桓玄旣破殷荊州。羅企生遂見殺。計

聞于母。母泣曰。忠臣也。死復何恨。桓先曾以羔裘贈

企生母。母哭畢。卽自焚裘。

陵母伏劍
詳前篇

姜詩事母

孝。母愛飲江水。忽舍旁湧出江水。雙鯉躍出。郭泰

留寓茅容家。容殺鷄作饌。泰意爲已設。旣而供母。自

以草蔬與客同飯。泰起拜曰。卿賢乎哉。因勸令學。卒

以成德。唐楊炯有姪女曰容華。吟詩有鳳釵金作

縷。鸞鏡玉爲臺之句。盈川喜曰。吾家之道韞也。晉

謝蘭安石孫。時三歲。舅阮孝緒曰。此兒在家則曾子

之流。事君蘭相如之匹。遂命名曰蘭。唐李義山兄

弟。俱以文章著。同爲一集。時號李氏花萼集。相如

欲娶茂陵子爲妾。卓文君作白頭吟。感悟相如。乃止。

蔡文姬嫁董祀。祀有罪當死。文姬蓬首徒行。詣曹

操請罪。音辭清辨。操憐之。乃追原祀罪。唐李勣封

英公。姊病爲姊煮粥。火燃其鬚。姊曰。何苦如此。勣曰。

姊老矣。弟亦無幾。他日欲爲煮粥。可得乎。晉書王

曇首爲司馬。與兄弟會集。見諸子姪並戲。僧虔採蠟

珠爲鳳凰。曇首獨爲喜。趙宋陳堯咨善射。守荆南

回。母夫人問有何異政。堯咨曰。以弓矢爲樂耳。夫人

曰。汝父教汝以忠孝治國家。汝乃務一夫之勇耶。怒。

杖之金魚墮地。禮記父沒而不能讀父之書。手澤存焉耳。母沒而杯棬不能飲焉。口澤之氣存焉耳。書言故事云。子勝於父曰跨竈。蓋竈上有釜。故也。又東坡與人書云。令嗣瑰偉奇特。奮鞭一躍。當撞破烟樓。竈上有烟竈撞破烟樓亦跨竈之象

宗族

鼻祖分支耳孫衍派。公族公姓。當年譜系相承。良治良
弓。奕世箕裘不替。角弓寓刺。固知政壞於衰王。寶玉展
親。乃見治隆於聖主。歷稽故實。謬贊燕言。和氣雍雍。可
羨。張公書百忍。仁恩藹藹。却喜疏廣散千金。鼓有音聲。
裴氏會饗。殮之食篋。無封鎖。樊家共金帛之賞。樂酒具。
陳。斟和飲讓。義田一置。稱禮耕仁。散絹三千餘匹。老穉
無寒。給餉二百許人。婦孺悉飽。宗支圖有昭。有穆。族譜
引孰親孰疎。不同杜固難聯。譜派系無淆。若非劉氏不。

封王宗盟。特重物爲姓者。沿物惟真。官爲氏兮。從官乃
的。改朱復范。寧非文正重源流。去婁賜劉。必是君王頒
勅旨。功名未遂。維翰未必嫌。桑。道教初興。老子還應指
李。閔姓謬云閔子後。遙遙華胄。畢竟驚人。方生強說。方
相宗。瑣瑣家聲。正堪嚇鬼。狄。天使不認梁公像。自識根
株。郭崇韜却拜子儀墳。妄生枝節。忽憶將門出。將。翻思
卿。種生卿。若個擅英稱。一門萬石。誰家流好譽。四世五
公。張宰相門閭。允曰鳴珂之里。崔大夫居第。須云列戟
之家。累葉公侯。鄧氏榮歷朝卿相。蕭門盛。更勿道南阮。

貧北阮富父豈云東楊朴西楊華只羨陳門人尚義百
犬共牢更高王氏譜增輝三槐作記

楊雄方言鼻祖始祖也人受胎于父母鼻先受形故
云鼻祖漢惠記耳孫玄孫之子也言去高祖益遠

但耳聞之而已學記云良冶之子必學爲裘良弓
之子必學爲箕爲箕爲裘言承祖父之業小雅角弓刺幽王也

不親九族骨肉相怨唐書張公藝九世同居高宗

封泰山幸其宅召問本末公乃書忍字百餘以對

漢書疏廣疏受致仕歸日具酒食召族人故舊飲更

分之金。父老勸廣開產業。廣曰。吾豈老悖不念子孫。顧此金。聖主所以惠養老臣。宗族共享其賜。盡吾餘年。不亦可乎。唐裴寬兄弟甚衆。子姪蕃息。家二百餘口。堂設一鼓。每飯。惟擊鼓以會食。後漢樊重三世。未分貲鉅萬。篋笥並無封鎖。欲用者取之。外孫何氏兄弟爭財。以田二頃解其忿訟。唐韋綬致仕歸。日召族人飲。謂之歡樂酒。宋范仲淹置田千畝。號義田。以濟宗族。凡嫁娶凶葬。皆有贍。擇族之長而賢者主其計焉。范仲淹自政府歸。有絹三千匹。盡散

于宗族親戚曰。我生長幼學壯仕宗族親戚咸爲我
助喜。我以此報之云。唐李昉家數世未分家。三百
口資財悉歸一庫。每日計口給餉。魏楊道素重宗
支。臨卒。惟以宗支圖授子曰。他無慮。惟宜珍重此耳。
蘇明允曾作族譜引。未有云。觀吾之譜。孝弟之心。
可油然而生。唐杜正倫求與城南諸杜同譜。不許。諸
杜所居號杜固地。有旺氣。正倫執政。建言鑿杜固通
水利。旣鑿。川流如血。南杜遂不振。漢書高祖有天
下刑白馬盟。物爲姓。

如老子指李樹爲姓。馬援其先趙奢爲將。能馭馬號
馬伏君。子孫因以馬爲姓焉。以官爲氏者。漢孝文
時。居官者長子孫。以官爲氏。倉氏庫氏。則倉庫吏之
後也。范文正公本姓范。隨姑養于朱。從朱姓。後復
改爲范。漢書婁敬勸高祖都關中。後賜姓劉。五
代桑維翰赴試。主司惡其姓桑。竟下第。維翰于是作
日出扶桑賦。以自美。更鑄鐵硯。誓曰。硯敝則改業。
老子事見後衆本梁何昌寓爲吏部尚書。有閔姓求官者。
昌寓問君是誰。後答曰。閔子春。後昌寓掩口笑曰。遙

遙華胄。唐有士人姓方。好矜門第。但姓方貴人必
認爲親。或戲之曰。豐邑方相何親。遽曰。再從伯氏。戲
者笑曰。旣是方相姪。正堪嚇鬼。蓋豐邑坊造凶器之
所也。宋狄青號天使。有狄梁公之後。持梁公畫像
及告身詣青獻之。以爲青之遠祖。青謝曰。一時遭際。
安敢自附梁公。厚贈而遣之。五代郭崇韜爲樞密
使。或阿附之曰。汾陽王本太原人。徙華陰。公世家鴈
門。豈其支派耶。崇韜曰。某距汾陽四世耳。後過子儀
墓。哭而拜焉。咸笑之。宋武帝曰。鎮惡王猛孫也。所

謂將門出將。晉史王允云。所謂公門有公。卿門有

卿。後漢汝南袁安爲司徒。子敞爲司空。孫湯爲太

尉。湯子逢爲司空。逢弟隗爲司徒。凡四世五公。唐

張嘉貞相。兄弟子姪並多列卿人號其所居曰鳴珂

里。唐書崔琳爲相。弟珪太子詹事。瑤光祿卿。俱列

榮戟。時號三戟崔家。鄧禹傳云。鄧氏累世寵貴。侯

者二十九人。太尉二人。大將軍以下十三人。東京莫

盛于此。唐蕭氏典江左。實有功在民。後自瑀逮邁。

凡八葉宰相。名德相望。爲極盛世家。晉書阮咸與

叔籍居道南。諸阮居道北。北阮富。南阮貧。唐史楊
憑與弟凝分東西里而居。憑之子孫冠服鮮潔。凝之
子孫冠服鄙陋。人謂東楊朴。西楊華。南唐時江州
陳氏尚義。家七百口。未分百犬。共一牢而食。一犬不
至。衆犬不食。

三槐堂詳
官室篇

朋友

情○堅○膠○漆○氣○馥○芝○蘭○烏○牛○白○馬○全○交○約○乾○坤○爲○證○死○生○
素○犬○丹○雉○定○誓○盟○爾○我○何○分○貴○賤○孔○仲○尼○納○四○賢○士○聖○
不○自○居○王○元○之○交○三○偉○人○德○由○士○助○廉○藺○釋○讐○結○愛○頓○
成○刎○頸○之○交○衡○融○以○少○交○耆○乃○屬○忘○年○之○契○子○桑○戶○之○
莫○逆○意○氣○相○孚○孟○東○野○之○忘○形○心○神○默○合○周○公○瑾○眷○隆○
於○孫○策○總○角○好○彼○此○不○衰○魏○玄○同○愛○篤○於○裴○炎○耐○久○朋○
始○終○無○替○是○誰○懷○雅○興○三○更○泛○就○戴○之○舟○若○個○動○遐○思○
千○里○命○訪○嵇○之○駕○班○荆○野○外○春○風○敘○事○更○綢○繆○剪○韭○園○

中夜雨談。棕猶繾綣。左儒死杜伯。諍君處數語。硜硜。蘓武別李陵。歸國時一詩。懇懇當權知薦達。已聞貢禹彈冠。肄業不動渠。曾說管寧。割席邴原交。范孟博。寧曰勢交。郭泰友。龐德公。正稱心友。綈袍戀戀。須賈猶憐范叔。寒困米陳。陳魯公。豈忍周朗。餒謾說劉巴。不與張飛語。且言周顗。還座王導。悲欲迎先倒。旋並坐。更傳杯。最喜有人娛邂逅。逢人數寄書。對月頻成句。不知何處祝分離。

後漢雷義。舉茂才。讓于陳重。刺史不聽。義佯狂披髮。

而走鄉里。語曰：膠漆自謂堅，不如雷與陳。家語：孔
子曰：與善人居，如入芝蘭之室，久而不聞其香，卽與
之化矣；與不善人居，如入鮑魚之肆，久而不聞其臭，
亦與之化矣。是以君子必慎其所與處者焉。烏牛
白馬、桃園結義事。侯鯖錄：越人定交築壇，殺丹雉
白犬，歃血而盟曰：卿乘車，我戴笠。他日相逢，下車揖
我，步行；卿乘馬，他日相逢，馬當下。孔子曰：文王四
友，吾得回也。門人加親，非疏附耶？吾得賜也。四方之
士至，非奔走耶？吾得師也。前有輝，後有耀，非先後耶？

吾得由也。惡言不入之于耳。非禦侮耶。范仲淹作

王元之畫像序。王文正公。天下謂之大公。寇萊公。天

下謂之大忠。樞密馬公。天下謂之大直。此三君子。一

代偉人。公深相交。許情如金石。史記廉頗謝罪於

藺相如。卒與懽。遂定刎頸之交。後漢廉范與慶鴻

爲刎頸交。時人稱之曰。前有廉藺。後有廉慶。爾衡

有逸才。年未滿二十。孔融年已五十。相與交善。稱忘

年交。莊子子桑戶。孟子反子琴張。三人相視而笑。

莫逆于心。遂相與爲友。唐孟郊性介寡合。韓愈一

見爲忘形之交。吳志孫策曰公瑾與孤有總角之

好。骨月之分。總角謂束髮之年唐魏玄同與裴炎友能保

終始人謂之耐久朋。王子猷事詳前天文晉呂安服嵇康

高致每一相思千里命駕訪之。聲子事詳倫屬後漢郭

林宗暮夜有友人至冒雨入園中剪韭以作湯餅。

通鑑周宣王臣杜伯非其罪欲殺之左儒諍之宣王

曰汝逆君以順友耶儒曰君道友逆則順君以逆友。

友道君逆則順友以逆君宣王竟殺杜伯儒亦死之。

蘓武別李陵詩雙鳬俱北飛一鳬獨南翔子當留

斯館。我今歸故鄉。漢王吉與貢禹爲友。吉爲廣州刺史。貢禹彈冠待薦。語曰。王陽在位。貢禹彈冠。世說。魏管寧與華歆讀書。有乘軒冕者過門。歆出看。寧曰。富貴當自致。看他人乎。遂割席分半而坐。曰。子非吾友也。魏志。邴原至陳。則師韓子助。穎川則宗陳仲弓。汝南則交范孟博。皆道義交也。郭泰適陳。則友符偉明。遊太學。則師陳季智之。陳則親龐德公。入汝南。則交黃叔度。緇袍事詳後衣服吳志。周瑜與魯肅爲友。瑜飢求糧于魯。肅肅有兩囷米。指一囷與之。一囷

平声
倉也

海錄。劉巴不與張飛語。諸葛亮問之。巴曰。

大丈夫處世。當友四海英雄。如何與兵子共語。晉

王敦反。王導入待罪。謂周顗曰。伯仁。吾以百口累卿。

顗不答。既而上表。明導之無罪。導不知。憾之。及顗遇

害。導不救。殺之。及料檢中書故事。乃見顗救已之表。

大泣曰。吾雖不殺伯仁。伯仁由我而死。幽冥之下。負

此良友。勤字。蔡邕倒屣以迎王粲。曰。此王公孫有

異才。欲迎先倒屣二句。劉賓客詩。李嶠別友人

賦詩云。別君重眷眷。鴈影爲誰孤。對月頻成句。逢人

朋友二

同門曰朋。合志爲友。情敦與讎。毛詩歌伐木之章。義重相須。周易垂斷金之利。仲尼老子可云。累世通家。管子叔牙足謂平生知己。子輿裹飯於同儕。不忘貧賤。角哀併糧于共事。甘殞流離。尼父以善爲芝蘭。乃薰令德。臧孫以惡爲藥石。足治病源。張堪旣死。朱暉可託妻孥。鄭紀未亡。巨伯寧逃賊寇。白老元公。諸客銜杯花下。遊戲文章。嵇康向秀。二人偶鍛柳中。鈴鋤道義。尹敏班彪。寧面友山濤。阮籍是神交。程普見容於周瑜。若飲醇醪。自

醉周舉得親于黃憲。不披綿纈。猶溫張范情孚。千里不
忘鷄黍約。韋宗義好。百歲猶成金石交。陶公無繻節。待
人摘圃內之蔬。程子率真情。見客傾途中之蓋。生同志
死同傳。范縝及司馬光。輔政異姓。胞胎出接。輿入接茵。
潘岳與夏侯湛。並遊同時。璧玉定交。杵臼已知貧富。不
相嫌。訂簿金蘭。畢竟死生無異志。江城驛路。張敏覓高
惠于夢中。春樹暮雲。杜甫懷李白于別後。雷是膠兮陳
是漆。願言兩意之相投。愈爲雲也。郊爲龍。思得四方之
相逐。然則腹心之友。世道其可風乎。若夫口頭之交。人

情其愈薄矣。

詩伐木篇。嚶其鳴矣。求其友聲。相彼鳥矣。猶求友聲。矧伊人矣。不求友生。易曰。二人同心。其利斷金。同心之言。其臭如蘭。後漢孔融年十歲。謁李膺曰。我是李君通家子弟。膺問所由。融答曰。先君孔子與李老君同德比義而相師友。則融與君累世通家。韓詩外傳。鮑叔有疾。管仲爲之不食。謂甯戚曰。生我者父母。知我者鮑子。鮑子死。天下莫吾知矣。雖爲之死。亦何傷哉。莊子。子輿與子桑友。淋雨十日。裹飯往。

食之見子桑鼓琴歌曰父耶母耶天乎人乎子輿曰

子之歌何故若是曰吾思夫使我至此極者

伯桃角哀

詳前左傳孟孫死臧孫紇哭甚哀御者曰孟孫惡

子而哀之如是季孫若死如何臧孫曰季孫之愛我

也疾疚也孟孫之惡我也藥石也藥石生我疚之美

其毒滋多後漢朱暉與張堪同縣張于太學中見

朱甚重之把臂語曰欲以妻子託朱生朱不敢對張

亡後朱聞其妻子貧困自往候視厚賑贍焉子怪問

之暉曰堪嘗有知己之言吾以信於心也後漢荀

巨伯與鄭紀友。適賊攻城。衆皆逃匿。巨伯獨不去。賊問故。答曰。有友人病。不忍棄之。賊義之而去。白居易易與元稹友善。嘗于花前小酌。作詩寄元云。花時同醉破春愁。聊把花枝當酒籌。忽憶故人天際去。計程今日到京州。晉嵇康與向秀友善。二人善鍛。康宅邊有一大柳樹。甚茂。夏月與向居其下。相偶而鍛焉。漢尹敏與班彪相厚。每相與談論。嘗晏暮不食。晝即至。暝夜則達旦。晉阮籍嵇康並高才。遠識少有契者。山濤初不相識。一與會晤。便爲神交。程普以

年長數侮。周瑜折節不與較。普後自敬服。謂人曰。與周瑜交。若飲醇醪。不覺自醉。漢周子居常云。吾時月不見黃叔度。則鄙吝之心復生矣。又云。見黃叔度。令人不綿。自煖。范式字巨卿。與張元伯二人同別京師。約二年後登堂拜母。元伯曰。君來殺雞爲黍食之。至期果至。張曰。巨卿信士也。相與盡歡而別。唐韋應物。宗楚客二人深相結納。人謂金石交。陶淵明詩。窮巷隔深轍。頗回故人車。歡然酌春酒。摘我園中蔬。程子反自剡。遭孔子於途。傾蓋而顧。相語。

終日甚相親也。宋熙寧間司馬君實范景仁同立

于朝。約曰吾與子生同志死當同傳。又君實嘗謂人

曰吾與景仁兄弟也。但姓不同耳。軫音 晉夏侯湛

美容止與潘岳友善。每行止同輿接茵。京師人謂之

連璧。茵音因 漢公沙穆遊太學無貲糧乃變服

客傭爲吳祐賃春。祐與語大驚遂相與定交。梓曰間

晉戴洪正每得密友一人則書于編簡焚香告之

祖考題曰金蘭簿。六國時張敏與高惠爲友。每相

思。便于夢中往尋之。時謂神交。杜甫懷李白詩白

也詩無敵飄然思不羣。清新庾開府。俊逸鮑參軍。渭北春天樹。江東日暮雲。何時一樽酒。重與細論文。

雷義陳重詳前篇

韓愈與孟郊爲友。寄詩云。我願身爲雲。

東野化爲龍。四方上下逐東野。雖使別離容易逢。

唐杜審言少與李嶠崔融蘇味道爲四友。世號崔李蘇杜腹心四友。一曰文章四友。孟郊詩云。古人形似獸。皆有大聖德。今人表是人。獸心安可測。雖笑未必和。雖哭未必戚。面結口頭交。肚裏生荊棘。

師生

道不墜地。文未喪天。上遡淵源。堯舜禹湯垂統。下尋支
派。關閩濂洛傳燈。尼父從洙泗設科。三千人周旋庭陛。
王通自河汾演教。八百士出入門牆。鄭氏堂中道學純。
化雨已滋書帶草。呂家門下科名盛。春風盡屬榜金花。
楊伯起道與時亨。蘊堂集爵。李老子教出人淑。鼠壤餘
蔬。賈逵之教育諄諄。舌耕得粟。吳商之從遊濟濟。口織
爲衣。士方推橫渠先生坐皐比天。且以尼父聖人爲木。
鐸史居左也。經居右。悉是真脩道已。南兮易已。東總稱。

妙學和氣融融。猶可掬光庭。生席上。春風寒威凜凜。不
知嚴游酢立門前。暮雪馬融弘開絳帳。有士爭趨侯芭。
默契玄經。無人不。服北斗以南。應有傑事功。從學術。做
來東家之外。更無丘道德。由文章。炫出經義齋。治事齋。
體用兼全。忠臣錄。孝子錄。綱常互振。李固不矜父爵。乃
稱弟子之良應。生獨舉官銜。豈事先生之禮。便便大腹。
弟子何窮邊。孝先表表高標。吾儒還仰韓夫子。
關謂橫渠。閔謂朱考亭。濂謂周茂叔。洛謂二程夫子。
佛家以傳法爲傳燈。隋王通教授于河汾之間。

弟子八百餘人。楊素甚重之。勸之仕。通曰：「通有先人之敝廬，足以庇風雨；薄田，足以具飢粥。讀書談道，足以自娛，不願仕也。」卒諡文中子。後漢鄭玄，字康成，教授門徒。齋舍前有草如薤葉，長尺餘，柔軟，時謂之書帶草。趙宋呂希哲教授門徒，取土者輒謂呂氏門下有實學。登科甲者計五十餘人。楊震事詳文職莊天道篇：士成綺見老子曰：「吾聞夫子聖人也，吾固不辭遠道而來，願見百舍重趼而不敢息。今吾觀子，真聖人也。」鼠壤有餘蔬。言食蔬之餘棄于鼠壤，不惜物也。後漢賈逵

通經術門徒來學不遠千里獻粟盈倉或云達非力
耕所謂舌耕者漢吳商故鄆人學通五經百氏四
方來學者擔囊負笈不可勝數人謂其舌耕而食口
織而衣皐比虎皮席也張橫渠坐皐比教門人講
易程明道先生至謂弟子曰程易更精汝可師之故
朱子贊橫渠云勇散皐比比音皮橫渠先生教授門
徒左史右經朝弦暮頌楊龜由從學于程明道先
生及歸明道先生送之出門謂坐客曰吾道南矣
漢丁寬受易于田何學成寬東歸何謂門人曰易已

東矣。光庭見程明道于汝。歸謂人曰。光庭在春風中坐了一個月。游定夫楊中立初見伊川先生。伊川瞑目而坐。二子侍立。既覺。顧謂曰。爾輩尚在此乎。及出門。門外之雪已深三尺。後漢馬融設絳紗帳。前授生徒。後列女樂。事文類聚。漢楊雄作太玄經。鉅鹿侯芭常從楊雄居。受其秘旨。唐狄仁傑曾以明經訓世人。謂之曰。仁傑北斗以南一人而已。漢邴原游學詣長安孫崧。崧曰。君鄉里鄭君學者師模也。君乃舍之。所謂以鄭爲東家丘也。原曰。人各有

志所向不同。君謂僕以鄭爲東家丘。則君以僕爲西家愚夫耶。崧辭謝焉。孔子西家有愚夫不能識孔子爲聖人。乃曰彼東家丘。吾知之矣。崧言原捨鄭立亦如愚夫不識孔子。宋胡瑗教授蕪湖。立有經義齋。治事齋。故當時從遊者。旣知文學。又能政事云。曾南豐先生輩。教授弟子。必集古忠臣爲一錄。孝子爲一錄。教之曰。忠孝綱常最大者。汝曹其識之。漢李固。邵之子也。嘗改易姓名。杖策騎驢。負笈從師。每到太學。必密入公府。定省父母。不令同業諸生知其爲邵子也。汝南應劭。自贊于鄭玄曰。故泰山太守

應仲遠北面稱弟子何如玄笑曰仲尼之門考以四
科回賜之徒不稱官銜劬有慚色後漢邊韶字孝
先大腹或好晝眠弟子嘲之曰邊孝先腹便便五經
笥但好眠便平韓愈闢佛之教不讀非聖之書學
者仰之如泰山北斗皆稱韓夫子

賓主

門○無○雜○客○我○有○佳○賓○威○儀○棣○棣○會○聞○曳○珠○履○之○華○功○勛○
恢○恢○允○合○享○彤○弓○之○賜○杜○如○誨○可○稱○公○輔○王○珪○自○是○增○
光○范○蜀○公○乃○曰○偉○人○薛○老○還○須○起○敬○趙○勝○選○二○十○人○交○
楚○毛○遂○推○優○田○文○食○三○千○士○強○齊○馮○驩○稱○雋○漢○孔○融○坐○
中○常○滿○必○然○有○禮○招○徠○唐○毛○仲○堂○上○全○無○定○是○乏○才○感○
名○簪○擁○於○庭○魏○主○迎○時○常○欸○欸○轄○投○於○井○陳○遵○畱○處○更○
殷○殷○美○矣○楚○元○王○設○就○穆○生○之○醴○酒○賢○哉○安○邑○令○餽○來○
閔○叔○之○猪○肝○必○敬○必○恭○何○嘗○叱○狗○式○飲○式○食○敢○曰○無○魚○

謝安石。疊疊逼人德。操公雍雍入室。滿堂雅樂。是誰隔。夏妓之簾。一榻清風。若個入桓公之幕。公孫弘開夫東閣。羨彼禮隆。陳元龍臥以下床。怪渠氣傲。韓魏公堂前。有士風流態度。得贈女奴。李文定門下。何人新巧詩聯。乃逢天子貴賓。登陶侃之席。高堂剪下香鬟。急客至。曾子之門。慈室嚙傷玉笋。席上燒紅燭。人亦有然。墻頭過濁醪。我曾乃爾。熊非清渭。逢何暮。無任悽愴。客有可人期不來。豈勝慨歎。

晉王祥門無雜賓。族孫王戎嘆曰。太保可謂清達矣。

史記趙平原君使人于楚春申君皆玳瑁簪楚舍
之干上舍趙使欲夸已刀劍悉以珠玉爲飾春申君
客三千人皆曳珠履見趙使趙使大慚詩彤弓篇
彤弓超兮受言藏之我有佳賓中心貺之勛音興
勞也
唐王珪母謂珪曰兒必貴然未知所與游者何如人
會房玄齡杜如誨至母曰二客公輔才吾兒與游得
人矣聞見錄薛居正知成都一見范鎮器之便館
于府第令與子弟講學及還朝載范公以去或問曰
自成都歸得何奇物曰蜀產不足道得一偉人耳

史記趙平原君欲合從于楚。選二十人往。得十九人。毛遂自薦曰。臣願備其數之楚。定約而歸。平原君喜曰。毛先生一言。使趙重於九鼎大呂。田文孟嘗君也。門下食客三千。一日使馮驩收債于薛。驩悉焚其所逋券。歸曰。寶玉皆君之有也。今爲市義以歸耳。後漢孔融爲北海太守。後居家愛才。樂士。每歎曰。坐上客常滿。博中酒不空。吾無憂矣。毛仲謂立宗曰。臣未有佳客。上曰。知汝所不能致者。宋璟也。明日令宰臣悉詣毛仲宅。朱璟日中方至。飲不盡。卮稱腹痛。

而去。史記魏文擁篲以迎賓客握手歡如平生。擁

以迎所謂掃徑望三益者是也。

漢陳遵好客客至畱之脫車轄投

井中雖有急不得去。漢楚元王以白公穆生輩爲

賓客穆生不飲酒元王爲之設醴及王戊常設後忘

設焉穆生日醴酒不設王之意怠矣遂去。世說補

閑仲叔含菽飲水世稱節士老病家貧不能得肉日

買猪肝一片安邑令聞之勅吏常給焉仲叔怪問其

故嘆曰閑仲叔豈以口腹累安邑耶遂去客沛。曲

禮云尊客之前不叱狗。列女傳云田文食客數千。

厨中有三列上客食肉中客食魚下客食菜茹。晉
謝安弱冠詣王濛。濛曰此客臺臺爲來逼人。後漢
司馬德操詣龐德公。值其上冢。德操入其室呼德公
妻子使作黍。徐元直當來就我與德公談。妻子羅拜。
須臾德公還直入相就。不知何者是客也。夏妓事
詳龐孝

晉桓溫爲大司馬。將移晉室。謝安與王坦之就見。
次止其事。鄒超爲溫謀士。知安來入帳中聽。忽風動
帳開。安笑曰。郝生可謂入幕之賓。漢公孫弘爲相。
起客館。開東閣以延賢人。自惟食一肉脫粟飯而已。

世說許汜與劉備共論人物。許曰：陳元龍淮海之士，豪氣不除。昔遭亂過下邳，見元龍，無客主之意，不相與語。自上大牀臥，使客臥下牀。劉曰：君有國士之名，今四海橫流，而無救世之意，求田問舍，言無可採，是元龍所諱也。何緣當與君語？如我自臥百尺樓上，臥君於地下，何但上下牀之間哉？
韓魏公鎮中山，有門客夜踰墻宿娼家。公知，作種竹詩云：慙慙洗濯加培植，莫遣狂枝亂出墻。客詩云：主人若也憐高節，莫爲狂枝贈斧斤。公贈一女奴。
朱王奇漢爲李文

定客文定薨章聖臨奠見屏間詩云鴈聲不到歌臺
上秋色偏欺客路中上悅卽召見許赴殿試謝詩有
云不拜春官爲座主親逢天子作門生晉陶侃家
貧有客范逵者倏至侃之母湛氏乃剪髮易酒餽饌
逵嘆曰非此母不生此子嚙指事見前倫屬柳子厚與
客夜飲作詩云席上燒紅燭樽中泛綠醅好懷千萬
種今夜爲君開

客至鄰人密濁醪以助之趙平叔

客漣水軍郡守召置門下數年後趙以學士守漣水
繼者名其堂爲豹隱石曼卿詩云熊非清渭逢何暮

龍、臥、南、陽、去、不、還、年、少、客、遊、今、郡、守、蔚、然、疑、在、立、談、
閒、陳、師、道、詩、書、當、快、意、讀、易、盡、客、有、可、人、期、不、來、
世、事、相、逢、每、如、此、好、懷、百、歲、幾、時、閒、